

Sango - Sambela Psaume - Praying WP Psalms 2017

Psaume 68:1 Waaqayyo ol in ka'a, diinonni isaas in bittimmaa'u, warri isa jibbanis fuula isaa duraa in baqatu!

Psaume 5:9,10 Afaan warra akkasii keessaa dubbiin dhaabataan hin ba'u keessa mar'umaan isaanii badiisatu jira, afaan isaaniitiin gara awwala banamaatti nama geessu, arraba dhadhaa dibatanii in dubbatu. 10 Egaa isaan si irratti ka'aniiru, yaa Waaqayyo, yakkitoota ta'uu isaanii beeksisi! Isaan haa kufan, mareen isaaniis lafatti haa hafu! Baay'ina irra-daddarbaa isaaniitiif bakkeetti isaan gati!

Psaume 7:1,2 Yaa Waaqayyo gooftaa ko, ani sitti kooluu nan gala na gargaari, warra na ari'atan hundumaa jalaa na baasi! 2 Lafa inni oolchu na bira hin jirretti, isaan akka leencaa ana cuffatanii hin kukkutatin!

Psaume 11:6 Inni barbadaa ibiddaa, dhagaa boba'us jal'oota irratti in roobsa, qoodi isaaniis qilleensa gubaa finiinaa dha;

Psaume 18:2 Waaqayyo kattaa koo, masaraa koo, oolchaa koo tis; Waaqayyo koo da'oo dhagaa isa ani kooluu itti galuu dha; gaachana koo, isa akka gaanfaa fayyina koof faccis, iddo dhokannaa koo isa ol jedhaa dhas.

Psaume 18:14,17 inni xiyya isaa gad dhiisee diinota bittimse balaqqeessa bak-akkaatiinis gara itti goran isaan in wallaachise. 17 inni harka diina koo isa jabaa, akkasumas harka warra na jibbanii humnas na caalanii na oolche.

Psaume 18:39 Ati lola sanaaf mudhii koo humnaan hidhachiifteetta, warri ana irratti ka'anis na jalatti akka gombifaman in goote.

Psaume 18:45,48 ijoollen ormaa in dadhaban, rom'aas iddo cufatanii taa'an keessaa ba'an. 48 harka diinota kootii keessaa immoo na baase; eyyee, ati warra ana irratti ka'an gararraatti ol na qabdeetta,namoota humna anatti argisiisan harkaas na butatteetta.

Psaume 23:3 inni lubbuu anatti in deebisa, maqaa isaatiif jedhee daandii qajeelaa irra na geggeessa.

Psaume 27:11 Karaa kee na barsiisi, yaa Waaqayyo! Sababii warri adeemsa koo caqasan jiraniif, ati daandii qajeelaa irra na geggeessi!

Psaume 31:15 Barri koo hundinuu si harka jira, harka warra diina anatti ta'anii fi warra na ari'atanii na oolchi!

Psaume 34:4,7,13 Ani Waaqayyoon barbaaddadhe, innis ana jalaa owwaate, sodaa koo hundumaa keessaas na baase. 7 Ergamaan Waaqayyo naannoo warra Waaqayyoon sodaatanii in buufata, inni isaan in oolchas. 13 Yoos arraba kee hamaattii, afaan kees sossoba dubbachuuttii eegi!

Psaume 34:17-19 yeroo warri qajeelonni gara isaatti iyyan, Waaqayyo in dhaga'a; inni rakkina isaanii hundumaa keessaas isaan in baasa. 18 Waaqayyo warra garaan isaanii cabetti dhi'oo dha, warra yaadni isaanii caccabee bullaa'es in fayyisa. 19 Wanti hamaan nama qajeelaatti in baay'ata, Waaqayyo garuu kana hundumaa keessaa isa in baasa.

Psaume 35:1-8,10 Yaa Waaqayyo! Ati warra anaan mormaniin mormi, warra ana lolanis loli! 2 Gaachanaa fi mi'a lolaa ol fudhadhuutii, ana gargaaruudhaaf ka'i! 3 Warra ana ari'atanitti eeboodhaa fi gajara luqqifadhu, 'Anatu si gargaara' jedhii anatti dubbadhu! 4 Warri jirenya koo balleessuu barbaadan, haa qaana'an haa salphifamanis! Warri waan hamaa anatti malan, of irra haa deebi'an, haa yeella'anis! 5 Akka habaqii qilleensi fuudhuu haa ta'an, ergamaan Waaqayyoos isaan haa daddarbatu! 6 Karaan isaanii dukkanaa fi mucuca haa ta'u, ergamaan Waaqayyoos isaan haa ari'atu! 7 Isaan sababii tokko malee kiyyoo anaaf dhoksanii kaa'an, sababii tokko malees boolla anaaf qotan. 8 Utuu isaan hin beekin badiisi isaan irratti haa dhufu; kiyyoon isaan dhoksanii kaa'anis isaanuma haa qabu, boolluma qotan keessatti kufanii haa badan! 10 garaa koo guutuudhaan, 'Ati isa gadadamaa nama isa caalaa jabaatu harkaa, isa gad qabamaa fi isa wanta barbaachisaa dhabes, nama isa saamu harkaa in baaftha; yaa Waaqayyo, kan akka keetii eenu ree?' nan jedha.

Psaume 36:7-9 Yaa Waaqayyo, gaarummaan kee attam guddaa dha, dinqisiisaa dhas, ijoolleen namootaa gaaddisa bobaa kee jalatti kooluu in galu; 8 isaan wanta mana kee keessa guuteen cidha in godhatu, bishaan laga gammachuu keetiis akka dhugan in goota; 9 burqaan jirenya kennu si bira waan jiruuf, ifa keetiin ificha in argina.

Psaume 37:5,23,24 Karaa kee Waaqayyotti kennadhu, isa amanadhu! Innis siif in raawwata. 23 Ejjennaan namaa inni Waaqayyo jabeessu isa bira in ka'a; karaan isaa sunis gooftaatti in tola, 24 Waaqayyo harka isaa qabee waan isa eeguuf, inni yoo kufe iyyuu, lafa hin ga'u.

Psaume 37:40 Waaqayyo isaan in gargaara, isaan in oolchas; waan isaan kooluu isatti galaniif, inni harka warra jal'ootaa duraa oolchee isaan in fura.

Psaume 39:1 Ani, 'Arraba kootiin cubbuu akkan hin dubbannetti, lafan dhaqu hundumaatti of nan eeggadha; hamma namni jal'aan ana bira jirutti, akka ani hin dubbanne eeggachuufis afaan koo nan hidha' jedhe.

Psaume 41:4 Ani immoo, 'Yaa Waaqayyo, anaaf oo'i, ani si duratti cubbuu hojjedheera, na fayysi!' jedhee kadhadheera.

Psaume 42:5,11 Yaa lubuu ko, maaliif akkas gadditee dhiphatta? Maaliifis akkas ana keessatti gabii dhabda? Ati Waaqayyoon abdiidhaan eeggadhu! Anoo deebi'ee gargaarsa isa bira anaaf dhufuuf, Waaqayyo koo ta'uu isaatiifis isa jajachuufan jira! 11 Yaa lubuu ko, maaliif akkas gadditee dhiphatta? Maaliifis akkas ana keessatti gabii dhabda? Ati Waaqayyoon abdiidhaan eeggadhu! Anoo deebi'ee gargaarsa isa duraa anaaf dhufuuf, Waaqayyo koo ta'uu isaatiifis isa jajachuufan jira! (Psaume 43:5)

Psaume 43:1 Dhugaa koo anaaf baasi, yaa Waaqayyo! Warra kan kee hin ta'inittis yaa'ii koo anaaf falmi! Warra arraba gegeddaranii fi warra waan jal'aa hojjetan jalaas na baasi!

Psaume 44:4 Ati mootii koo ti, yaa Waaqayyo, Yaaqoobiif mo'icha kana kan

abboome si;

Psaume 51:4 ani si yakkeera, si'uma duwwaan yakkes, wanta ija kee duratti hamaa ta'es hojjedheera; ati immoo dubpii ana irratti dubbatteen qajeelaa, firdii faraddeenis qullaa'aa ta'uun kee in beekama.

Psaume 52:5 Waaqayyo garuu yeroo hundumaaf gad si cabsuuf jira; godoo kee keessaa butee si baasuuf jira; biyya warra jiraatoo keessaas hundeedhaan si buqqisa.

Psaume 54:7 Ati rakkina hundumaa keessaa waan na baafteef, iji koo gammachuudhaan diinota koo of jalatti in ilaala.

Psaume 55:18 Warri ana irratti ka'an waan baay'ataniif, lola anatti ka'e keessaa lubbuu koo nagaatti galchi!

Psaume 59:2 warra jal'ina hojjetan jalaa na baasi, warra dhiiga namaa dhangalaasanis na oolchi!

Psaume 60:12 Waaqayyoo wajjin nuyi humna in godhanna, warra nu cunqursan gad kan dhidhiitu isa.

Psaume 63:11 Mootichi garuu Waaqayyotti in gammada, namni maqaa Waaqayyootiin kakatu hundinuu of in jaja; afaan warra sobduu immoo in cuqqaalama.

Psaume 66:3 Waaqayyoon, 'Gochaan kee maal maal sodaachisaa dha, dinqisiisaa dhas! Aangoon kee guddaa dha, diinonni kees siif in gugguufu!

Psaume 68:6 Waaqayyo warra kophaa jiraataniif maatii in kennaaf, warra hidhamanis gara jirenya gaariitti in baasa; warri mormanii isa irratti ka'an garuu biyya qoqoree keessa in jiraatu.

Psaume 68:35 Waaqayyo, sodaatamaa fi dinqisiisaa ta'uun isaa, mana qulqullummaa isaa irraa in argama; inni Waaqayyo isa kan Israa'el, inni humnaa fi jabina saba isaatiif in kenna; maqaan Waaqayyoo haa eebbfamu!

Psaume 70:1,4 Yaa Waaqayyo, dafii na oolchi, yaa Waaqayyo, na gargaaruud-haaf ariifadhu! 4 Yaa Waaqayyoo ko, harka nama jal'aa keessaa, qabaa nama dalgifamaa, nama humnaan nama irratti hojjetuu keessaas ana baasi!

Psaume 71:13 Warri diina anatti ta'an haa yeellaasifaman, haa dhumanis, warri miidhama koo barbaadanis arrabsoodhaaf salphina haa uffatan!

Psaume 72:12 Inni nama dhabee isatti iyyatu, gadadamaa nama isa gargaaru hin qabnes in oolcha.

Psaume 76:12 Inni hafuura isa warra gurguddoota keessaa ka'u gad in deebisa, inni mootota lafa irraas guddaa in sodaachisa.

Psaume 79:9 Yaa Waaqayyo isa fayyina nuuf laattuu, ulfina maqaa keetiif jed-hii nu gargaari, maqaa keetiif jedhii nu oolchi, cubbuu keenyas nuuf dhiisi!

Psaume 86:17 Milikkinni gaarummaa kee ana irratti akka argamu godhi, yaa Waaqayyo, akka ati na gargaarte, akka ati na jajjabeessites, warri ana jibban arganii haa yeella'an.

Psaume 91:14,15 Waaqayyo immoo, 'Sababii inni na jaallatee anatti maxxanuuf, ani isa nan oolcha; waan inni maqaa koo beekuufis,

eegumsaan ol isa nan qaba. 15 Inni ana in waammata, anis deebii nan kennaaf, yeroo rakkinaatti isaa wajjin nan jiraadha, achi keessaa isa nan baasa, ulfina akka inni argatus nan godha.

Psaume 92:11 Iji koo gad deebii diinota koo in arga, gurri koos waca warra hamoota ana irratti ka'anii in dhaga'a.

Psaume 103:10 Akka cubbuu keenyaatti nu irratti hin hojjetu, akka yakka keenyaattis nutti hin deebisu.

Psaume 104:9 Ati daarii isaaniif dhaabde, isaanis isa irra hin darban, lafa irra diriiruuttis hin deebi'an.

Psaume 107:6 Rakkina isaanii keessatti gara Waaqayyootti iyyatan, yommus inni muddama isaanii keessaa isaan in baase;

Psaume 118:10,12 Sabni lafa irraa hundinuu na marsan, ani garuu maqaa Waaqayyootiin of irraa isaan nan kuta. 12 Isaan akka gurmuu kanniisaa anatti tuuta'an, akka ibidda qoraattii kosorruus boba'anii in dhaamu; ani garuu maqaa Waaqayyootiin of irraa isaan nan kuta.

Psaume 121:7,8 Waaqayyo hamaa hundumaattii si eega, inni jirenya kee in eega. 8 Waaqayyo gad ba'uu kee, ol galuu kees ammaa jalqabee hamma bara baraatti in eega.

Psaume 138:3 Guyyaa ani si waammadhatti na jalaa owwatteetta, ati na jabeessite, lubbuun koos humna godhatte.

Psaume 140:1,4,5 Yaa Waaqayyo, namoota hamoota jalaa na baasi, warra humnaan nama irratti ka'anis ana irraa eegi! 4 Harka warra jal'ootaa ana irraa eegi, yaa Waaqayyo! Namoota humnaan nama irratti ka'an, warra miilla koo qabanii na gufachiisuuf akeekkatanis na baraari! 5 Namoonni waan guddaatti of ilaalan futtaasaa anaaf dhoksaniiro, kiyyoos funyoodhaan diriirsaniiro; meendoos karaa irra anaaf dhaabaniiro.

Psaume 142:6 Ani baay'isee waanan mataa buuseef, iyyata koo anaaf dhaggeeffadhu! Warri na ari'atan baay'ee waan anatti cimaniif, ati isaan jalaa na baafadhu!

Psaume 143:9 Warra diina anatti ta'an jalaa na baasi, yaa Waaqayyo! Ani si jalatti nan baqadha.

Psaume 147:14 Daarii kee nagaa in godha, qamadii isa caaluunis si quufsa.

Psaume 149:6-9 Waaqayyoon jajatanii ol himuun afaan isaanii keessaa, billaan gar lamaan qaramaanis harka isaanii keessaa hin bu'in! 7 Saba lafa irraa irratti ijaa ba'uudhaaf, saba warra kaanis adabuudhaaf 8 mootota isaanii fuuncaadhaan, ulfina-qaboota isaaniis funyoo sibiilaatiin hidhuudhaaf, 9 firdii caafamee jiru isaan irratti in raawwata, kun warra isaaf of kennan hundumaaf ulfina! Waaqayyoon jajadhaa!